

*cognitio, ex latiore Digestorum seu Pandectarum doctrina, Deo proprio, legentibus continget.*

Subjicitur in nostro Vaticano Palatino Codice XIX. f. 225. Innominati Auctoris commentatio in Titulum primum Libri vigesimi quarti Basilicorum, *περι τῶν αἰτιῶν τῶν δεδομένων, de causis rerum datarum*, hoc initio. Ζητεῖ βιβλίον κδ. πτ. α. κεφ. α. ἃ ῥησι περι δεδομένων. ἢ διατράγματῶν δίδοται, ἢ δι αἰτίας. τὸ δὲ δι αἰτίας, ἢ σμῶν, ἢ αἰσχροῦ. καὶ ἢ αἰσχροῦς, ἢ τὸ δίδουτῶ ἐς τὸ, ἢ τὸ λαβόντων, ἢ ἑκατέρων. Vide Tipuciti lib. 24. tit. 1. *περι ἀπουθίσεως τράγματος δοθέντος*, Cod. Vatic. 853. f. 122. Sequuntur alia Adnotationes Juridicæ, *de dissolutione matrimonii, de dote, de hereditate, &c.* usque ad fol. 235. Sylburgius in Catalogo Codicum Græcorum manuscriptorum olim in Bibliotheca Palatina, nunc Vaticana asseruatorum (edit. Francof. ad Moenum 1702. in 4.) p. 8. num. 19. hanc Anonymi Commentationem sub unico titulo, *de donationum causis*, comprehendit.

## C A P U T V.

*Digestorum sive Pandectarum Libri Quinquaginta.*

**H**osce quinquaginta Libros promulgavit, confirmavitque Justinianus Imperator XVII. Kal. Januariæ Anno Chr. 529. uti manifestum fit ex ipsius ad Senatum & omnes populos edicto, Pandectis Florentinis Latine & Græce præfixo, quod incipit : „ Tanta circa nos divina humanitatis est providentiâ, ut semper æternis liberalitatibus nos sustentare dignetur. Post bella enim Parthica, æterna pace, sopita, postque Vandalicam gentem ereptam, & Carthaginem, imo magis omnem Libyam Romano Imperio iterum sociatam : & leges antiquas jam senio prægravatas per nostram vigilantiam præbuit in novam pulchritudinem, & moderatum pervenire compendium : quod nemo ante nostrum Imperium unquam speravit, neque humano ingenio possibile esse penitus existimavit. Erat enim mirabi-

„ le,